

傷寒雜病論 肺痿肺癰咳嗽上氣病脉證治 第七 13条 東洋學術出版290頁 2000年三訂版

欬而上氣、此為肺脹、其人喘、<sup>1</sup>目如脫狀、脉浮大者、越婢加半夏湯主之。

[越婢加半夏湯方]

麻黃六兩 石膏半斤 生薑三兩 大棗十五枚 甘草二兩 半夏半升  
右六味、以水六升、先煮麻黃、去上沫、內諸藥、煮取三升、分溫三服。

【金匱要略注釋】 楊向輝注釋 正中書局 98-99頁 1968年初版 第5刷

【尤】外邪內飲、填塞肺中、為脹、為喘、為欬而上氣。越婢湯散邪之力多、而蠲飲之力少、故以半夏輔其未逮。不用小青龍者、以脈浮且大、病屬陽熱、故利辛寒、不利辛溫也。目如脫狀者、<sup>1</sup>目睛脹突、如欲脫落之狀、壅氣使然也。

【余無言】金匱原文、以欬逆上氣為標題、然文中則數稱肺脹、是肺脹實為中醫確定之病名也。丹波元簡謂即後世所謂<sup>1</sup>呷嗽、<sup>2</sup>哮喘之屬、亦未<sup>3</sup>允當。蓋呷嗽、哮喘、多有屬虛者。欬之症狀、多不顯著、即今西醫所謂氣管支<sup>4</sup>哮喘是也。至肺脹則可汗可利、多屬實證、後世書無相當名稱、是後人不研究之過、余意即今西醫所謂肺氣腫是也。其說謂肺氣腫、多續發於慢性氣管粘膜炎、因氣管粘膜、呈慢性腫脹、分泌物蓄積肺泡內、呼息時之空氣排除為之障害故耳。凡因某種職業、其居處地之空氣、多塵垢煙火灰粉者、往往為本症之原、肺受某種刺激、發生過度膨脹、因之肺組織中之彈力纖維、失其彈力性、以是呼息時難於收縮、常保其吸息時之狀態、同時肺泡亦漸漸萎縮、毛細血管之循環、亦大受限制、於是呼吸困難、步步加劇、兩目圓<sup>5</sup>睜、或發水腫性症、甚至發生類似心臟麻痺而死。至其主要症狀、多有可供中說參證者、病者之胸廓、常為吸息擴張位、胸廓高舉而擴張、與肺痿症胸廓陷凹、適成反比例、頸部短縮、胸廓強直若鎧甲、形狀若洋樽、膈膜低降頗甚、吸息困難而不深、又因肺臟與胸廓彈力減弱、及氣管支炎、呼息亦不能爽利、往往帶強盛之類鼾聲及笛聲、扣診上、肺音清朗而低調、有如打空虛之紙匣者。以上所舉、殆與經文所謂「欬而上氣、其人喘、時時吐濁、喉中水雞聲」等種種症狀、<sup>6</sup>不謀而合矣。

傷寒雜病論 肺痿肺癰咳嗽上氣病脉證治 第七 14条 東洋學術出版 290 頁 2000 年三訂版

肺脹、欬而上氣、煩燥而喘、脉浮者、心下有水、小青龍加石膏湯主之。

[小青龍加石膏湯方]千金證治同、外更加脇下痛引缺盆

麻黃 芍藥 桂枝 細辛 甘草 乾薑各三兩 五味子 半夏各半升 石膏二兩  
右九味、以水一斗、先煮麻黃、去上沫、內諸藥、煮取三升、強人服一升、羸者減之、日三服、小兒服四合。

【金匱要略注釋】 楊向輝注釋 正中書局 99-100 頁 1968 年初版 第5刷

【尤】此亦外邪內飲相搏之證、而兼煩躁、則挾有熱邪、麻桂藥中必用石膏、如大青龍之例也。又是條見證、與上條頗同、而心下寒飲、即非溫藥不能開而去之、故不用越婢加半夏、而用小青龍加石膏、溫寒並進、水熱俱捐、於法尤為密矣。

傷寒雜病論 肺痿肺癰咳嗽上氣病脉證治 第七 15 条 東洋學術出版 291 頁 2000 年三訂版

『外臺』〔炙甘草湯〕 治肺痿涎唾多、心中溫溫、液液者。方見虛勞

傷寒雜病論 肺痿肺癰咳嗽上氣病脉證治 第七 16 条 東洋學術出版 291 頁 2000 年三訂版

『千金』〔甘草湯〕

甘草

右一味、以水三升、煮減半、分溫三服。

傷寒雜病論 肺痿肺癰咳嗽上氣病脉證治 第七 17 条 東洋學術出版 291 頁 2000 年三訂版

『千金』〔生薑甘草湯〕 治肺痿、欬唾涎沫不止、咽燥而渴。

生薑五兩 人參三兩 甘草四兩 大棗十五枚

傷寒雜病論 肺痿肺癰咳嗽上氣病脉證治 第七 18 条 東洋學術出版 291-292 頁 2000 年三訂版

『千金』〔桂枝去芍藥加皁莢湯〕 治肺痿吐涎沫。

桂枝 生薑各三兩 甘草二兩 大棗十枚 皁莢一枚去皮子炙焦

右五味、以水七升、微微火煮取三升、分溫三服。

傷寒雜病論 肺痿肺癰咳嗽上氣病脉證治 第七 19 条 東洋學術出版 292 頁 2000 年三訂版

『外臺』〔桔梗白散〕 治欬而胸滿、振寒、脉數、咽乾不渴、時出濁唾腥臭、久久吐膿如米粥者、為肺癰。

桔梗 貝母各三分 巴豆一分去皮熬研如脂

右三味、為散、強人飲服半錢匕、羸者減之。病在膈上者、吐膿血、膈下者瀉出、若下多不止、飲冷水一杯則定。

傷寒雜病論 肺痿肺癰咳嗽上氣病脉證治 第七 20 条 東洋學術出版 292 頁 2000 年三訂版

『千金』〔葶藶湯〕 治欬有微熱、煩滿、胸中甲錯、是為肺癰。

葶藶二升 薏苡仁半升 桃仁五十枚 瓜一瓣半升

右四味、以水一斗、先煮葶藶得五升、去滓、內諸藥、煮取二升、服一升、再服、當吐如膿。

傷寒雜病論 肺痿肺癰咳嗽上氣病脉證治 第七 21條 東洋學術出版292頁 2000年三訂版

肺癰胸滿脹、一身面目浮腫、鼻塞清涕出、不聞香臭酸辛、欬逆上氣、喘鳴迫塞、葶藶大棗瀉肺湯主之。方見上、三日一劑、可至三四劑、此先服小青龍湯一劑乃進、小青龍湯方、見欬嗽門中。

【金匱要略注釋】 楊向輝注釋 正中書局 100頁 1968年初版 第5刷

【鑑】此與前條(案指肺癰不得臥、葶藶大棗瀉肺湯主之條)互詳其證、以同其治也。肺癰胸脹而滿、欬逆上氣、喘鳴迫塞、一身面目浮腫、鼻塞清涕出、不聞香臭酸辛、是邪外塞皮毛、內壅肺氣、比之喘不得臥、殆尤甚焉。亦以葶藶大棗瀉肺湯者、因其膿未成故也。